

آبو شره اعلیٰ : هریر ایچون
سنه لکی (۴۰۰) آلتی آیلمی
(۲۲۵) ممالک اجنبیه ایچون
سنه لکی (۴۵۰) ، آلتی آیلمی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیغدر .

مسلكه موافق آثار مع المنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

تذکره

۱۳۳۰

آدره س تبدیلنده آریجه
غروش کوندورملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولنور .

پاره کوندورلدیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

اوت ، حكومات اسلاميه نك بوتون مسلمانلردن استيفا ايتديكي
مردلر زكات ، صوكره بر و احسان اربانك دورلو دورلو و قفلرله
ارباب ثروت طرفندن الله رضاسي ايجون هر كون بذل اولنان صدقهلر
عاطقلر بر حاليده ايدى كه ايلك عصر لرده كن مسلمانلر بو طرزده جمعيلر
وجوده كتيهر مكدن و بيك ناز ايله ويره چكلى بر قاچ پاره يي صيذريره
جغزديه ارباب يسارك اللربنى صيقوب طور مقدن مستغنى بولونيورلردى .
داها طوعر يسى عالم اسلامك هيئت مجموعه سى اويله معظم بر جمعيت
خيريه حالده ايدى كه ، ديار توحيدك هر طرفنده كي يوزلرجه مليون
خلقك اوزرينه قابادلرني كرن بو كتله نك قلوبى حقلك سايه نعمته
برلشمش و اسلام فيضى يوزندن مرحمت و شفقت حسـلـرـلـه مـفـطـور
اولمشدى . حاصلى ، فاطر حكيمك ديله ديكي كي يـكـپـاره بـر و جـود ايدى ؛
برعضوه اصابت ايدن آفت بوتون اعضاى بدنده حرارتلر ، اضطرابلر
توليد ايدىيورلردى .

تعدد زوجات مؤسسه اجتماعي

۲

تعدد زوجات حقنده كي اعتراضاته جواب - تعدد زوجاتك فردى ، اجتماعي
فوائد و محسناتى : بواصول فحشايتك تزايدينه مانعدر ، نفوس عمومى يي تزبيده ،
قادينلى حياتك اعتلاسنه ، قادينلر دوام صحتنه ، بقاى لطافت و ظرافت
خادمدر .

۵ - تعدد زوجات اصولي ممكن الرعايه اولان مساواته اصلا
منافى دكلدر . ممكن الرعايه اولمايان خصوصياتده ايسه مساوات جهتي
ذاتاً تحري اولونا ماز . بناءً عليه براراك متعدد قادينلر ايله ازدواج
ايدم بيلديكي حالده بر قادينك متعدد ار ككلر ايله ازدواج ايدم مەسى
وسيله اعتراض اولاما . طالده بويله بر ادعا قدر بطلافي ظاهر برش
بو قدر . بويله بر ادعا ار ككلر ايله قادينلر بيننده خلقه موجود اولان
فرق عظيمي بيلمه مكدن ايلرى كلىر ؛ قادينلر ك خصوصيت حاله ،
شؤن حياتيه سنه ، قابليت فطريه سنه عدم وقوفدن نشئت ايدر ؛ نكاحك
مشروعيتده كي فلسفه عاليه يي عدم محافظه دن منبعث بولونور .

ارباب اختصاص طرفندن مفضلاً بيان اولونديني اوزره ار ككلر
ايله قادينلر آره سنده خلقه بك بيوك فرق واردر . از جمله وسطى
اولارق ار ككلر ك ثقلت بدنيه و دماغيه سى قادينلر ك كندن دها زياده در .
ار ككلر ك جمله عصيه لرى دخی قادينلر ك كنه نسبتله دها مكملا در .
ار ككلر شيداند حياتيه به دها زياده متحمل اولدقلى حالده قادينلر
ار ككلره نظراً دها زياده عوارض و امراضه مستعددرلر .

هله قادينلر ك بر جوق زمانلرى حبض ايله ، نفاس ايله ، بار ثقل
حمل ايله مرور ايدر ؛ بر جوق كونلرى آغوش شفقتلرني تزئين ايدن

« انفقوا مما رزقناكم - سورة بقره ، ۱ »
« انفقوا من طبيات ما كتبتم ولا تيموا الخيـث منه تنفقون - سورة
بقره ، ۲ »
« و انفقوا مما جعلكم مستخلفين فيه فالذين آمنوا منكم و انفقوا لهم
اجر كبير . - سورة حديد ، ۳ »
« و انفقوا خيراً لانفسكم و من يوق شح نفسه فأولئك هم المفلحون -
سورة تغابن ، ۴ »

سنت كتابلرينه مراجعت اولونورسه بوموضوعه دائر نامتناهى احاديث
نبويه كورولور . صوكره ، آيتلر ك ، حديثلر ك جملاسى شونك اوزرنده
برلشيور : الله ذوالجلال انفاق ايدن قوللرى ايجندن آنجاقي او كيمسه لرى
حريم رحمته قبول ايدىيور كه ويرلر كن اخلاص ايله ، كوكل خوشلغيله
ويريورلر ، آرقه سندن اذابه ، منه قالقشمايورلر . « و من الاصراب من
يؤمن بالله و اليوم الآخر و يتخذ ما ينفق قربات عند الله و صلوات الرسول
الانما اقربته لهم سيد جلهم الله في رحمة ان الله غفور رحيم - سورة توبه ، ۵ »
ايشته بومالى فرائضى ، يا خود مالى ترغياني سايه سنده در كه اسلام
فقراي ، ييجاركانى ، يتيملرى ، طوللرى ، يولده قالمشلى ارباب ثروتك
مالندن اهميتلى بر صورته حصه دار ايدىيور . بونى كافى كورمىوب
ياللرندن بر قسمنى وصيث ايجون زنكينلره توصيه ده بولونديني كي هر كسك
وصيتدن اولان حصه سنى كنديسنه ويرملرني تركه تقسيمنده حاضر
بولونان اقربايه اخطار ايدىيور .

خلاصه ، اسلامك برواحسان فضلى طبقات بشر آره سنده وجودى
قانون خلقت ايجابندن اولان تفادت ثروتك كوروكله ديكي كين و احتراض
آتشلرندن سينه لرى قورتارمق ايجوندى ، باشقه برش دكلدى .
مسلمانلق هنوز كنجلك چاغنده ايكن مسلمانلر اونى بيليور و تعاليم
سماويسنه توفيق حركت ايدىيورلدي . زمانزده ظهور ايدن جمعيات
خيريه نك شوراده بوراده وجوده كتيهر دكلرى غربا خسته خانه ليله
او كسوزلرى ، سوقا قده بولونمش چو جقلرى بارينديره جق مؤسسـه لـره
احتياجلى يوقدى .

۱ « سزى مرزوق ايتديكمز لستلردن انفاق ايدك »
۲ « قازانديكمزك كوزلرندن انفاق ايدك ، يوقسه كوتولرني ويرمك
قصندنه بولونمايك »
۳ « اللهك سزلى و كيل ايدوب اوزرنده تصرف ايتديردى ماللري كزدن
انفاقده بولونيك ، شبهه يوقدر كه ايجكزدن ايمان و انفاق ايدنلر ايجون بيوك
اجر وار . »
۴ « انفاق ايدك كه حقكزده خيرى اولسون ، كيم نفسك حرصندن
آزاده قالرسه ايشته فلاح بولجق اولدر . »
۵ « صوكره عزبان ايجنده اويله لرى وار كه الله و آخرت كونه اينانير
و انفاق ايتديكي شيلرى الله تقرب و رسول اللهك دطاسنه مظهريت ايجون وسيله
بيلير ، شبهه سز اوضدقهلر كنديلرى ايجون وسيله تقربدر ، الله اوللرى رحمتنه
ادخال ايدم چكدر ، الله غفور در ، رحيم در . »

قلبا حس ایتدیکی محبت و میلانی دیگرلرینه قارشى اظهار ایدمك آنلرك انكسار خاطرینه سبیت و یرمه سین. بو حکمته مبنیدرکه قرآن مینده :
(ولن تستطیعوا ان تعدلوا بین النساء ولو حرصتم فلا تمیلوا کل المیل فتذروها کالمعلقة) بویورلشدیر . [۱]

علیه الصلاة والسلام اقدیمز ازواج طاهرانی آره سنده قسمه ۲ [صوك درجه رعایت ایدر ، صوکرده :] اللهم هذا قسمی فیما ملک فلا تؤاخذنی فیما لا ملک [بویورلردی . ۳]

محبت قلبیه کی خصوصیاتک ماعداسنده ایسه عدالت ایفاسی هر وجهله قابلدیر . زوجیت خصوصنده ایفاسی لازم کن عدالتده آنحق بوندن عبارتدر . تعدد زوجاتک جوازی آنحق بوعدالتک وجودینه معلقدر . اکر بو عدالت حد ذاتنده ممکن الاجرا اولماسه بوکا تعلیق صورتیه تشریع احکامده بولونمق شارع حکیم حضرتلرینک علویت شانیه قابل تألیف دکلدیر .

واقعا بر جوق ارککلر واردرکه بونلر متعدد قادینلر حقنده دکل ، بر قادین حقنده بیله تأمین عدالته مقتدر اولامازلر . فقط ینسه اولیه ارککلر واردرکه اونلر پک کوزل بر تربیه و تهذیبه مظهر اولدقلری ایچون متعدد زوجلرینه قارشى ایفاسی لازم کن عدالتده اصلا قصور ایتزلر . حاصلی بوکی خصوصیاتده قیاس نفس جائز دکلدیر .

کنجلك زماننك كندیلرینه بخش ایتدیکی برنشوه سودا پرستانه نك تحت تأثیرنده بولونان بعض نورسیدکان ؛ عائله حیانتک آنحق بر عشق و غرام ایچنده یاشایه بیله جکنه قائل اولدقلری ایچون تعدد زوجات ایله بو عشق و غرامی قابل تألیف کوره میورلر . حال بوکه بر عائله یی یاشاتان ، مسعود ایدن مجرد بر عشق و غرام دکلدیر . بونلر برلعه صباوت کی کی سریع الزوال شیلردر . زمانزده پک زیاده انکشاف ایدن بو عشق و غرام یوزندن دکلیدرکه بر جوق خسته قلره ، اتحارلره ، خجعه لره شاهد اولوب طور ییورز . . .

اصل عائله یی یاشاتان ، کاشانه ازدواجه افاضه مسعودیت ایدن شی ، زوج ایله زوجهدن هر برینک عهده سینه ترتب ایدن بر طاقم وظائف و حقوقه رعایتکار اولمسیدر . بوجهت کوزل بر تربیه سایه سنده تأمین ایدلدکن صوکره آرتق عائله آره سنده وجودی مطلوب اولان عدالتک ، مسعودیتک تجلی سینه هیچ بر مانع قالماز .

[۱] « پک زیاده آرزو ایتسه کز بیله قادینلر آره سنده هر وجهله تأمین عدالته قادر اولامازسکن . آنحق بونلردن برینه تماماً میل ایتیه کز ، صوکره دیگرلرینی ذات الروح اولمایان قادینلرکی بروضیتده بیراقش اولورسکن . » [۲] قسم ، : زوجک ید اقتدارنده اولان شیلرده و محبت و موانست ایچون بیتوت خصوصنده زوجلری آره سنده اجرای عدالت و مساواته رعایت ایتسیدر .

[۳] « یاری ! ینم ملک اولدیم خصوصده یاییلیدیکم ایشه بو ، آرتق ین ید اقتدارنده بولونمایان خصوصاتدن طولای مؤآخده بویورمه . »

جوجوقلری ارضاع ایله ، تربیه ایله کچر کیدر . بو مدت ظرفنده کی مقارنتلردن نافع برنمره حاصل اولاماز .

مع هذا قادینلر پک ارکن سن ایسه واصل اولوب قوه ولادیه دن محروم قالیرلر . حال بوکه فطره قوی اولان ارککلر بوکی عوارضدن مصوندرلر . متعدد قادینلر ایله ازدواجه و بونلرک حقوقی حسن تأمین طبعه مستعددرلر . برار ککک نطفه سنده هر وقت ایشه یارایاجق حیوانات موجود اولدیغندن سنی برخیلی تراید ایتسده ین قوه تولیدیه مالک بولونور .

حاصلی قادینلر ایله ارککلر آره سنده اکرک تشکلات بدنیه و کرک حواس و قوی اعتباریه بویوک فرقلر واردر .

بر قادینک بر زمانده ایکی ارککک تحت نکاحنده بولونماسی قابلیت بدنیه سیله غیر متناسب ، وظائف زوجیتی ایفا ایدم بیلمه سینه مانعدر ؛ تربیه اطفاله منافی ، اختلاط انسابی موجب ، دها بر یجه محاذیر اجتماعیه یی مستلزمدر .

ذاتاً نکاحدن مقصد اصلی ؛ بشریتی فحشیاتدن صیانت ایله انسال بشریه نك مشروع بر صورتده دوامی ، ترایدینی تأمین ایلکدن عبارت دکلیدر ؛ حال بوکه بر قادینک متعدد ارککلر ایله مقارنتده بولونماسی بومقصد اصلینک حصوله امکان بیراقاز .

بر قادین بر زمانده قاجار ککک تحت نکاحنده بولونورسه بولونسون یالکیز برندن که قالیر ، فقط هانکی سندن قالدینی آکلاشیله ماز . بو حالده هم نسب ضایع اولور ، هم ده تکثیر نفوس غایه سی تأمین ایدیلده مش اولور .

حال بوکه برار ککک متعدد قادینلر ایله بر رابطه زوجیت تأسیس ایتیه سی بوکی محذورلردن تماماً سالمدر . بناء علیه بوکی خصوصاتده قادینلر ایله ارککلر آره سنده مساوات آرائیلماسی ؛ هم شرایع الهیه نك احکام علویه سینه منافی ، هم ده قدرت فطره نك اثر بدیی اولان قانون فطرته قارشى بر عصیان ماهیتی حائز اولدیغندن اصلا شایان تصور اولاماز .

۶ — تعدد زوجات اصولی ، عدالتله قابل تألیف دکلدیر ، دیلیور . بونی اثبات ایچون ده برار ککک متعدد زوجلرندن هر برینه قارشى عینی صداقله ، عینی محبت و میلان ایله متعسس اولامایه جنی درمیان ایدیلیور . برکره زوجلرک تعددی یوزندن صداقتک خللدار اولاجنی تسلیم اولوناماز . وجدانه ، دیانته مالک ، ناموس پرور ارککلر حقنده بویله برشی تصور اولنه ماز . محبت و میلان جهته کلنجه فی الواقع بو خصوصده تمایله تأمین عدالت قابل دکلدیر . فقط انسانیلر ید اختیارلرند بولونمایان بوکی خصوصات ایله مکلف اولامازلر . اولوررکه برانسان زوجلرینک حقوقه رعایتکار اولسون ، بونلردن برینه قارشى

۷ — تعدد زوجات اصولی ، احتیاجاتی تزئید و بالتبعه سفالت عمومی بی تولید ایتز ؛ بلکه احتیاجاتی تهوینه ، منافع عمومی بی تأمین وسیله اولور .

واقعا یالکیز بویوک شهر لرده یاشایان محدود عائله لری شرائط حیاتیه لری نظره آلیبیر ایسه بویولده کی ادا قسماً طوغری اولایبیلیر . چونکه بویوک شهر لرده کی برطاقم عائله لری بعض افراد ی مدت مدیده منتهک وضعیتده بولونورلر . بوکی عائله لره منسوب چوچوقلر سنه لرجه تحصیل علوم و معارف ایله اشتغال ایدر و بومدت طرفنده دائماً و لیارینک سایه هایه سند تآمین معیشته مجبور اولورلر . فقط دیگر یرلرده حال بویله میدر ؟ هر مملکتده اهالینک قسم اعظمی کویلدده کی ، کوچوک قصبه لرده کی خلق تشکیل ایدر . بو خلق ایسه علی الاکثر مستحصل وضعیتده در . بورلرده کی عائله لری بوتون افرادی ، حق سکر طقوز یاشلرنده بولونان چوچوقلر بیله عائله لرینک معیشتی تأمین ، روتی تزئید ، خادم ، مستحصل برر عضودرلر . بوکی یرلرده افراد عائله نیک آرتماسی عائله حقنده عین سعادت عد اولونور . و بومستحصل افرادک تزایدی شبهه یوق که مملکت ایچونده اقتصادی ، سیاسی برچوق نقاط نظر دن یک نافع بولونمش اولور .

۸ — تعدد زوجات اصولی انقسام ثروت به باعث اولدینی کی ازدیاد ثروته باعثدر . بنسأ علیه انقسام ثروت دن ملحوظ اولان ضرر ، ازدیاد ثروت سایه سند مع زیاده تلافی ایدیلش اولور .

معلوم اولدینی اوزره ثروتک مستحصل انسانلردر . انسانلر نه قدر آرتارسه فعالیت اقتصادی ده اونستده آرتار ، ثروت ده اونستده تزاید ایدر . بر ایکی ارککی احتوا ایدن بر عائله ایله متعدد ارککلردن متشکل بر عائله به استحصال ثروت نقطه نظر دن باقیلیرسه بیلرنده کی فرق یک بارز بر صورتده نظره چاربار .

مع هذا بزم مملکت کی اراضی ضغیره اصولی جاری اولان ، ثروت مملکت محدود اللرده متمرکز بولونمایان یرلرده انقسام ثروت دن او قدر اندیشه به محل یوقدر .

۹ — تعدد زوجاتک موجودیتدن طولای عالم غربک سوء نظر لرینه هدف اولاجق ایشلر . . بیلیم که بونلرک حسن توجه لرینه مظهر اولدیغیز تقدیرده نه استفاده ایدر جکیز ؟ ذاتاً بز مسلمان بولوندیجه بویله بر توجه مظهریت قابلی ؟ ..

معلوم اولدینی اوزره تعدد زوجاتی وسیله اتحاد ایدرک اسلامیتک ناصیه درخشانی اوزرینه برلکه قوندیرمق و بوجهله اغفالانده بولونمق اونه دنبری غربک بعض هافلنجه بزغایه دینه ماهیتده بولونمشدر . نصرایتک انتشارنده قادینلرک صفوت قلبیه سندن یک چوق استفاده

بوللری کشف ایتش اولان رؤسای روحانیه بو وسیله ایله ده قادینلره بر حیلله کوستره رک غایه امللرینه قاوشمق ایسته مشلردر . حال بوکه اولجه ده بیان اولوندینی اوزره تعدد زوجات اصولی یالکیز شریعت اسلامیه ده دکل ، سائر شریعتلرجه ده جائز اولوب ادوار قدیمه دنبری بین الاقوام جاری اولمشدر . بو حقیقی یهودیلر ایله خریستیانلرده معترفدرلر . بنسأ علیه ادیان سماویه به معتقد بولونان ملتلر ایچون بو اصولی انکاره ، تزئیفه مجال یوقدر . بر دین سماوی ایله متدین اولمایان اشخاصه کلنجه بونلرکده بو اصول حقنده اعتراضه صلاحیتلری اولاماز . ناصل اولایبیلیر که بونلرک قسم اعظمی قولاً تعدد زوجات علیهنده بولونقلری حالده فعلاً بر زوجیه ایله اکتفا ایتیلورلر ؛ کندی حریم عصمتلرنده کی قادینلر ایله قناعت ایتیب برطاقم آلفکانک آغوش شاعتکارانه سنه جان آتمقدن نفسلری منع ایدر . بویورلر . بو غیر مشروع مقارنلر یوزندن دنیا به کلن چوچوقلرده غیر مشروع اولور ، عائله تربیه سندن ، عزت نفسدن محروم قالارق جمعیت بشریه باشه بلا کسلیلورلر .

مع هذا بزم ایچون باشقه ملتلرک شؤن حیاتیه سف تقلید ایتک اصلا طوغری دکلدر . بز مسلمانلر ایله سائر ملتلر آره سند شرائط اجتماعیه ، سجاایای ملیه وسائر اعتباریلر برچوق فرقلر واردر . بنسأ علیه غربک موهوم توجهندن محروم قالمق قورقوسیه کندی حیات ملیه منزی تبدیل ، کندی احوال اجتماعی منزی رد و تزئیف طوغری دکلدر . حال بوکه بوکون غربده ده علمی ، رسمی اک بویوک مقاماتی احراز ایتش بولان برطاقم متفکرین طرفندن تعدد زوجات اصولی ترویج ایدلکده در ؛ وحدت زوجیه حقنده کی ماده قانونیه نیک بر آن اول تعدیل طلب اولومقددر .

شبهه یوق که ضرب طلی فحشیاتک درجه شناعتی تماماً ادراک ایتدیکی ، تزئید نفوس ایچون مشروع چاره لر تخری ایلدیکی کون بو اصولی قبوله مضطر قالا جقدر .

شو کا امینم که اگر تعدد زوجات اصولی غربده جاری اولوب ده شرقده ممنوع بولونسه ایدی بوکون بو مؤسسه علیهنده بولونانلردن بر چوقلری بو ممنوعیتدن شکایت ایدر جک : « دین اسلام بو اصوله مساع و برمدیکی ایچون ناس بر طرفدن فحشیات طریقه سلوک ایدیور ، بر طرفدن ده مملکتده نفوس عمومی ترایدن محروم بولونیور ، دینه حکمک ایدی .

بلکه یقین بر آئیده غرب بو اصولی قبول ایدرده بو بایده کی اعتراضات نهایت بولور !

نقد زوجاتک فردی ، اجتماعی فوائد و محسناتی :

والحاصل شرایع الهیه نیک تجویز ایتش اولدینی مزهانی بر معامه

اجتماعیه ده سعادت انسانییه ، آداب مدنییه ، قواعد عدل ونصفتیه
منافی برجهت بولونا ماز ، بالعکس برطاقم منافع ومصلح مندیج بولونور .
آلور برکه بوخصوصده کی شرائطه رعایت اولونسون .

ایشته شرع شریفک تعیین ایتدیکی شرائط دائره سنده وقوع بولان
تعدد زوجات اصولی ده بوجه دندر . بومؤسسه اجتماعیته نك احتوا
ایتدیکی فوائد ومحسناندن بر قسمی بوجه آتیدر :

۱ - تعدد زوجات اصولی ، فحشیانك توسعنه مانعدر . بوسایه ده
فحشیات آزالیر ؛ اخلاق عمومیه صلاحه یوز طوتار ، صحت عمومیه
خللدن مصون قالیر .

معلوم اولدینی اوزره عفت مسئلهسی تریه الطبع اولان هر ذاتك
غایه امل اتخاذا ایتدیکی بر مسئله اخلافه در . حال بوکه بعضاً بر زوج
ایله اکتفا ایدیله سی بوغایه بی تأمینیه کافی اولماز .

ارلجه ده عرض اولوندینی اوزره قادینلر برطاقم موانع وعوارضدن
خالی اولامازلر . ارککلر ایسه بوکی عارضه لردن مصوندرلر . بناء علیه
بعضاً بر ارکک یالککز بر زوج ایله قناعت ایدمه یه چك اقتداردن محروم
اولور . آرتق بوارککک پیش عزمنده ایکی طریق کشاده بولونور که
بری تکرار تزوج ایتك ، دیکری ده کردابه فحشه جان آتمقدرد .
حال بوکه تربیه دینییه نائل ، نزاهت طبعه مالک اولان بر ذات ایچون
حیاتی فحشیانك امواج دهشتناکی آره سنده افنا ایتك اصلا قابل دکلدر .
شیمدی بویله بر ذات ایچون یالککز بر طریق قالیر که اوده تکرار تزوج
ایتمکدن عبارتدر .

۲ - تعدد زوجات اصولی ، تکثیر نفوسه خادمدر . نفوسك
تزایدی ایسه هم افرادك ، هم ده جمعیته نك منافع حیاتییه سی ایجاباتسنددر .
معلوم اولدینی اوزره نکاحك مشروعیته کی مقاصدعالیه دن بری ده
تناسل مسئله سیدر . بر ارکک نه ایچون تأهل ایدره چوق فدا کارلقلره
قاتلانیر ؟ نه ایچون عهده سته توجه ایدن آغیر آغیر وظائف زوجیتی
ایفایه تحمل ایدر ؟ . شبه یوق که بوتون بومزاحی اقتحام ایتمه سی برطاقم
مشروع مقاصده مستنددر . ایشته بومقاصدك باشلیجه لردن بری ده
اولاد واخفاده نائلیت املیدر . حال بوکه بعضاً بر قادین ایله ده تأسیس
ایدیان رابطه زوجیت ، بوکی مشروع امللری تأمینیه کفایت ایتمز .

اوت . . اولابیلیر که قادین عقیم بولونور ، ویاطوغوردینی چوجوقلر
باشاماز ، یاخود برایکی چوجوق طوغوردقن صوکره آرتق طوغورماز
بر حاله کلیر . ارکک ایسه بر چوق اولاده نائلیت امل مشروعه ده
بولونابیلیر ، بومشروع املك حصولی ایچون ده تکرار تزوجدن باشقه
چاره بولاماز .

بعض ذوات دیور که : «تزاید نفوس خصوصنده کمیتدن زیاده
کیفیه اهمیت ویرمه لیدر . تعدد زوجات اصولی ایسه کیمه تزاید نفوسه
خادم اولسه ده کیفیت اولاماز .»

حال بوکه بواذاتاماً طوغری دکلدر . برملکك ادامته موجودیت
ایده بیلمه سی ایچون هم کیمه ، هم ده کیفیت تزاید نفوسه احتیاج واردر ؛
نفوسك کیمه تزایدیله کیفیت تزایدی بیتنده ایسه بر تضاد موجود دکلدر .
باشامق ایسته یین برملك وظیفه سی بویکی جهتك ایکسینی ده نظرا هیئتدن
دور طوتامقدرد . تعدد زوجات ایسه - بوخصوصده صلاحیتدار اولان
ارباب فك بیاناتیله ثابت اولدینی اوزره - یالککز کیمه دکل ، کیفیت ده
تزاید نفوسه خادمدر . زوجهلرک تعددی نسلک اصطفا سنه ، عرقك
کور بوز بر حاله یتیشمه سنه یاردیم ایتمکده در .

ینه دینلیور که : «آوروپاده تعدد زوجات اصولی جاری اولمادینی
حالده نفوس تزاید ایدیور ؛ بزم مملکتده ایسه بواصولك موجودیتنه
رغمأ نفوس عمومیه تزایددن محروم بولونیور .» مشروع صورتده
بواذعاده تماماً طوغری دکلدر . برکه آوروپاده تعدد زوجات اصولی
موجود دکلسه ده غیر مشروع صورتده ، هم ده غیر محدود بر حاله
موجود بولونمقدرد . مع هذا تزاید نفوسی تأمین ایدمه چك بر چوق
اسباب واردر که تعدد زوجات ده بونلردن بریدر . بناء علیه ضربده
بواصول جاری اولماسه بیله سائر اسبابه رعایت ایدلمکده در . بزم مملکتده
ایسه بواصبادن هیچ برینه کافی درجه ده رعایت ایدلیور .

۳ - تعدد زوجات اصولی ، قادینلق حیاتك اعتلا سنه خادمدر .
معلوم اولدینی اوزره هر مملکتده قادینلر ارککلردن دها زیاده بولونیور .
بو قادینلردن بر قسمی هر تورلو محرومیت قاتلانارق سفیلانه بر حاله
باشیور ، دیکر بر قسمی ده یاساقفه احتیاج ایله ویافنسك تمایلاتنه تبعیتله
فحشیات ساخه لرینه دوشیور . بوصورتله قادینلق حیاتنه بک فجیع
حادثه لر ظهور ایدیور ، بشریتك لطیف برجنسینه منسوب اولان
بر طاقم بی چاره لر ، تمیز قبلری ساعتلرجه اغلاته حق فلاکتله
اوغرایوب طورییور . حال بوکه تعدد زوجات اصولی رعایت ایدلیکی
تقدیرده بو قادینلردن مهم بر قسمی سفالتدن قورتولور ، جوهر عصمتی
بارچ لایحق حرکتلردن مصون قالیر ، بونك نتیجه سنده ده قادینلق
عالمده باشقه بر نزاهت ، باشقه بر مسعودیت تجلی ایدر .

(۱۳۳۵) سنه سته عائد احصائیات مندرجاته نظرأ مملکتتمزده
ارککلرک مقدارینه نسبتله بروسده ده (۱۵۴۶۶) قونییه ده (۳۷۶۲۳)
انقرمه ده (۳۰۰۰۹) دیاربکرده (۲۷۲۵۵) فضله قادین واردر . بونسبت
بالطبع بالاخره دها زیاده آرتمشدر . بو زواللی قادینلرک حالی نه
اولاجق ؟ . بونلر کندیلر نك ذات الزوج اولماسنی ایسته مزلری ؟
بونلرک احتیاجات حیاتییه لری نه صورتله تطمین ایدیله چکدر ؟ . یالککز
کندی نفسلرینی ، کندی مسعودیتلرینی دوشونن ذات الزوج خانم
افندیلر بر آزده بوی کس همشیره لرینی دوشونمیلی دکلیدر ؟ عجبار کون
کندیلر نك ده بویله بروضعیتده بولونمایه چقلری نه معلوم ! .

حقوق عاثر

قانونه لایحه‌سی مقننه کی مضبوطه

پکن نسخه دن مابعد

من طرف

زوجك حائز بولنديني حقوقك اك مهمي واك زياده اشكال مختلفه ايله مناقشانه زمين اولاني حق طلاقدر. يقين زمانلره قدر غرب حقوقوني ايله محافل روحانيه سي طلاق قبول ايدن شريعت اسلاميه بي حقسنزوبك شدتلي تنقيد ايدرلردى. حالبوكه طلاق شريعتنظر نذرنده غايتله مبغوض، لذاته قبيح وبلا ضروره حرامدر. چونكه طلاق، نكاحه ترتيب ايدن اتصال مسنونك ولعممت ازدواجك حلقى رفع ايتكدر. بوايسه كفران نعمتدر. بوسيله طلاقده اصل اولان ممنوع اولميسيدر. يالكز ضرورت قطعيه بولنديغنده اساساً معنای نعمت تحقق ايتديكندن ارتق طلاق مباح اوليور وبو حق زوج و بربليور. وقيله بو حقيقتلردن غفلت ايدرك طلاقه عليه دار اولان غربك كوزي ضرورت اجتماعيه نك متبادي تضيقلري آچيش وبودغه طلاق لهنه حركتار باشلاي ريق النهايه آنلر طرفندن ده قبول ايدلمشدر. فقط بو صلاحيت، زوج دكل، محكمه يه وكليسا يه و بولمشدر.

غرب مؤلفلرينك شهادتلىرینه كوره ازمئه اخيره ده وبالحاصه حرب عمومى بي متعاقب اروپا و آمريقاليلر آره سنده طلاق وقوعاى شرقدن آزدكل، يك چوقدر. بود، معيشتك، مختلف جزيان اجتماعيلرك مضر نتيجه لرندن اك مهيسدر. هاله صلاحيت كوشه دكجه طلاق وقوعاى طبعيله چوغاير. ايكنجى، برنجينك امين بر معياريدر.

دين اسلامده طلاق مذمومدر، بلا ضروره وعجالة بوايشه تشبثدن منع وتحذير خصوصنده يك چوق نصوص شريفه وتحذيرات شديده شرفوازد اولمشدركه آنلردن برقاچ دانه سنى ذكر ايديلور:

۱- (وان عزموال طلاق فان الله سميع عليم = زوجلر، هر نه زمان طلاقى كوزه آليرلسه حين عقدده زوجلرينه مادام الحيات برلكده يشامغه دائر ويردكلرى سوزى جناب حقك ايشنديكى و طلاقده كي خفي مقصدلرك ماهيتنى يك اعلا بيلديكى خاطر لاسينلر.)

۲- (وان اطعنكم فلا تبغوا عليهن سبيلا. ان الله كان عليا كبيرا = زوجلر، زوجلركز اطاعت ايتدكجه آنلردن افتراقه وسيله آراماييكز.

بويله زوجلر جناب حقك علو وعظمتنى، عدالت مطلقه سنى خاطر لاسينلر)

۳- (ابقض المباحات عند الله تعالى الطلاق) حديث شريفده «مباحلر آره سنده عند الله الك منفور اولان مباح بلا ضروره يقاع طلاقدر» بيوريليور. فقها طلاقك حكمنى اولبايده كي ادليه استناد آ شو صورته خلاصه ايتمشدر: ۱) طلاقده اصل اولان ممنوع اولمقدرد. ۲) زوجين ييتنده

بوكون بزاويله بر حالته ياشيورزكه افراد ملثندن يالكز بر قسمتك سعادت حالى دوشونمه من اصلا جائز اولاماز. بوكون افراد ملق وبالحاصه بر چوق صدمانه اوغرامش اولان مملكتى دوشونمك مجبور ييتدمز. بناء عليه هم ار ككلر يمز، هم ده قاديئلريز ممكن مرتبه فدا كارلقده بولونماليدركه ملي، سياسى، اقتصادى موجود يتمزى قورتاره بيله لم، يوقسه بر قسم افرادك رفاه وسعادتى فائده ويرمز.

۴- تعدد زوجات اصولى، قاديئلرك دوام محنته، بقاى لطافت و طراوتنه خادمدرد. بر قادين، زوجتك خدمتده بولونور، چوجوقلرى تربيه ايله مشغول اولور، امور بيه سنى حسن رؤيته چاليشير. حال بوكه بر قادين، نجافت بيه سيله برابر بوقدر آغز وظيفه لري ايفايه اوزون مدت تحمل ايدمه من، صحتى مختل اولور، حسن و طراوتى زواله يوزطوتار، چوجوقلرى ايستديكى كى تربيه دن عاجز قالير، امور بيه سنى بيكانه لرك الله قالمش بولونور. فقط زوجتك ديكر بر زوجيه سى دها بولوندينى تقديرده عهده سنه توجه ايدن بومهم وظيفه لر قسماً تخفف ايدر، استراحتنى تأمين ايدرك قدر مساعد زمانلره نائل اولارق محنتى، لطافت و طراوتنى ادامه يه موفق اولور.

خلاصه مقال: تعدد زوجات اصولى، شرائط شرعيه سى داخلده واقع اولدينى تقديرده فردى، اجتماعى بر چوق فوائد ومصالحى احتوا ايدر.

شريعت منوره من فيض طلوعيله آفاق انسانيت باشقه بر نورانيت ويرمش، مسعود بر هاله تشكىل ايجون زوجينك متقابلاً ايفايده جكلرى وظيفه لري، متقابلاً حائز اولدقلرى حقوقى تعيين بويورمشدر. ايشته بو حقوق و وظائفه رعايت ايدمه بيله جك ار ككلر حقنده تعدد زوجاته مساع وازير. بويله بر ار كك لزوم كوررسه بو اصوله رعايت ايدر، لزوم كوررسه بر زوج ايله قناعت ايلر. بو خصوصده بر مجبوريت بوقدر. حق زوجيه سنى محزون ايتمه مك ايجون اوزرينه تزوجى ترك ايدن بر ار ككك، كذلك اورتاغى اولاجق قادينى حزن وكرددن صيانت ايجون زوجيله ازدواجدن امتناع ايله ين بر قادينك عند الله مأجور اولاجنى (فتاوى هنديه، در المختار) كى معتبر كتب فقهيه مزده محرردر. بونكچوندركه مسلمانلر آره سنده ايكي اوچ زوجلرى اولان ار ككلر نهايت بيكده بر نسبتى تجاوز ايتمه مكده در. بناء عليه بزم مدافعه ايتديكمز جهت، شرائطى حائز اولان كيمسه لر. حقنده بوبابده كي جوازك بر حكمته، بر مصاحته مستند اولديغى بياندن عبارتدر. البته شارع حكيم حضرتلرينك تجويز بويوردينى بر مسئله اجتماعيه حكمتدن، مصلحتدن خالى اولاماز. يوقسه مقصد من مطلقاً هر هانكى بر ار ككك متعدد قاديئلر ايله ازدواجنى ترويج وتشويق دكلدر. ذاتاً حقوق زوجيه رعايت ايدمه جك ار ككلر ايجون بر قاديئله بيله ازدواج ايتك جائز اولاماز.

عمر نصرى